


# JOHN LEKHA RABU ANPHUT HUKMANHRING CHENTHEI NASIK PATHEN TRON MANTLUK



**Heisa mo Jesu kathi?**

## **1. Tron kathramak (kadikmak) tlo hi mihring ngai kae.**

John 3:19 “Trongten tron kha hi kae, var kha raleichunga kajong jo, takkha mi hen akathra mak tron kha anta tlo achang jarra var kanek a anthem jok kha anmadua kae.”



**Ni khenga mi kaset me kae!**

## **2. Khava ngai a inphut eini maset kaset kachen me kae.**

John 6:40 “Ajarchu Sapa kahmu a kataksen rakip in kumsot hringna annei nasik khana anchai ning kani akahring sik a kamathoi sik hei hi ka Pa lungdo kha kae ati.”

John 3:18 “Tu achang innum Sapa kataksen rakip atrong in ten mak; takkha Sapa kataksen mak khachu trong ten sa jo kae; ajarchu aman Pathen Sapa inkhat ruk kha taksen mak.”

John 3:36 “...Khana Sapa kataksen mak mi khan hring na hmu mak ning; takkha Pathen hnuk nat na kha achung a kaom sik jo.”



### **3. Jesu kha raleichunga eini hei sik a lei kathi.**

John 14:6 “Jesun amakha amason na, Kei lham kha eng kae, akadik, khana hring a eng kae: Kei a inphut tei loa tute Pa hneng hongmak.”

John 3:17 Ajarchu Pathen in trong katen sik a asapa ajong tir changmak, takkha akahuk inhring sik a ajong tir kae.

John 1:10,12 “Khava jarra trong kha raleichunga lei kaom, Pathen in amavang vahnoi asyem, takkha vahnoi in ama lei manhret mak hei:”

### **4. Huk-manhring hi mankase khutchoi kae, tron tlo man changmak. Pathen trong nan ralang sik, khana Jesu ruk na taksen sik!**

Ephesians 2:8-9 “Hei jarra mo niti’n chu taksen jarra Pathen marit na khan ahuk manhring jo che kae. Hiva hi nan bing tak in tlo na kara achangmak jarra, inlen sak nasik heite ommak”

Titus 3:5 “Khava jarra eini tron kathra nitlo jarra changmak, takkha Rathla vang khan hringkho ther ah intet ther na apek me ah arasi mantheng me, khava jarra lungset marit a ahuk man hring me kae;”

Acts 4:12 “Huk manhring nahi amaruk a anhmua sik kae, ajarchu eini inhuk inhring thei nasik hi Pathen in vahnoi ralei chung a tute milak rahming a apek om mak ati.”

### **5. Rongpu kha nataksen inchu kumsot hring na nanei sik!**

John 5:24 “A kadik tak kha kahri pek chei kae, tuachang innum ka trong hri kathei a anijong katirpa kataksen mi khan kumsot hringna anei jo, aman thina arakan sot a hring na anei jo kae, atrong inten mak jo ning.”

John 6:47 “Kadik tak a kahri pek che kae, ani kataksen mi khan kumsot hring na anei jo.”

John 10:28 Ken anmani kumsot hring na kapek hei, khana anmani akathi mak sik jo hei kae. Khana an mani

hei kha kei a inphut tuten keisot tor mak hei ning.



*Jesu Christa hi nang kahuk inhring pa kae tia naralhang hnom inchu, khana Pathen hnenga inphut ngeidam na kha nachen hnom inchu, hin nader thei derna kaom. Hiva derna vang achang mak leh derlhop nei na vang huk manhring nachen bat sik chang mak. Hiva hichu Pathen hnenga na taksen na phong dan derna, khana na set arangeidam che jarra Ama hneng manpak na pek dan ka-eh.*



**"Rongpu,**

**Kei mi kaset eng kae ti kamanhret. Kaset na kara kachen sik ah rahoi kasok eng kae ti kamanhret, khava khachu thina hmeikhur. Kha achang jo ravang Jesu Christa hi ka kahuk inhring Pa kae ti kataksen. Ama athi a athoisot nahin kei rangeimandam amanchen eng ti ka taksen. Jesu ruk hi ka kahuk inhring Pa Rongpu kae ti ka taksen. Nahuk sot eng a narangei mandam eng jarra ka manpak che Rongpu! Amen!"**